

苗疆屯防實錄

第九冊

苗疆屯防實錄

卷之六

苗疆屯防寔錄卷之九

奏詳各案

黔撫奏查明苗疆寔在情形設法查辦

清查苗寨客民

貴州巡撫奏為查明苗疆寔在情形亟應設法籌辦

恭摺奏

聞仰祈

聖鑒事竊

臣於本年正月間瞻仰

天顏面奉

諭旨飭將地方公事分別緩急寔心辦理嚴禁漢奸私入

苗寨勾引滋擾等因仰見

聖謨周詳永綏苗土下懷曷深欽佩

臣

於到任之後悉心

體防黔省吏治因循民生瘠薄在在均須整頓而於苗
疆尤不得以目前安靜稍緩防維臣自入黔境卽聞現
在各屬俱係漢苗雜處往來貿易典賣田土耕種漢奸
擅入苗寨本干例禁第相沿已久亦不知始自何年無
從追究臣受

恩至重仰蒙

聖訓諄諄熟計目前要務不敢不據寔陳明籌以嚴禁之
法伏查漢奸之入寨總由江口而湖南客民流徙入黔
始則與苗人作佃設法剝蝕繼則佔其田廬後其子女
積憤之餘往往酿成命案除黎平府苗人本植營生者
尚有恒產外其餘各府廳州縣苗人窮苦居多原其田

土大率為民家所盤剝從來地方官皆視為具文未經
查察積弊日深此時宜急清其本嚴絕其流然驅逐客
民則客民衆多安土重遷勢難概令其失業君令苗人
贖還田畝則苗人度日艱難卽勒令減價取贖亦屬無
力可償徒滋紛擾君不及早防維則客民日來日多苗
地日佔日少苗人生齒日繁生計日蹙積憤之勢寔不
能保其必不滋生事端且再三思維惟有編查保甲以
清其源查苗寨向係土司管束因苗性多疑恐致驚擾
苗人戶口前曾遵

旨停止查造迨嘉慶二十年奏明將漢苗分別辦理苗多
於漢之處悉照舊章令土司督率寨頭稽查其漢多於

苗之處挨戶查開丁口已奉

旨先行現今據臣所聞漢苗雜處地方客民漸多恐非土

司所能約束應請將苗多之處仍照舊停止編查外至

現居寨內客民無論戶口田土多寡應一律詳細清查

編入保甲以便約束君責令各該管地方官查辦不特

慮其不能周備且恐一經胥吏之手轉致滋擾查有現

署永綏協將副印務臣標中軍叅將李可仁居心誠定明

練有為能通苗語前次招撫下江生苗極為鎮靜安協

又黎平府知府杜支李人極幹練在黔日久熟悉苗疆

情形均堪委會同查辦不致張皇驚擾經此次清查以

後客民戶口田產造冊通報由各該地方官隨時稽核

倘再有勾引流民擅入苗寨續增戶口並犯盤剝準折等事地方官立時驅逐田產給還苗人追價入官仍照例加倍治罪若地方官失於稽察徇庇不究及縱令差後擅入苗寨滋事經上司查出或被告發將該管地方官嚴叅革職以為奉行不力者戒似此籌辦較之驅逐久經佔藉之客民勒贖已經成熟之地歛於漢苗俱無擾累似為妥協至該叅將等均係現任文武大員一經委辦地方遼濶不能限以時日其缺應行委員接署以為職守臣一面咨會署督臣伊揀員接署永安協副將印務由臣揀員接署永安協副將印務至黎平府印務由臣揀員署理其應帶員弁由該叅將等斟酌稟請委

令隨同幫辦所需飯食夫馬等項不許派累地方由藩
司籌項發給應用該委員等果能盡心妥辦不煩不擾
永靖苗疆巨富

奏懇

聖主天恩量加鼓勵除候辦理完竣另行

奏報外所有遵

旨查辦緣由理合恭摺具

奏伏乞

皇上聖鑒謹 奏

道光六年 月 日 奏

綏靖鎮稟撥鳳凰廳練勇駐扎花園并詳覆議結
署湖南布政司按察司徐 為移會確核妥議事本年
十月初二日奉

督部堂示 批據

綏靖鎮海 稟裁汰永綏廳標兵議撥鳳凰廳練勇駐
扎花園等緣由奉批查鎮筸鎮練勇係為鳳凰廳四面
環逼苗巢而該因地制宜已久未便輕議更張仰南布
政司卽再移會辰沅永靖道併案確核妥議覆奪此繳
稟抄發等因奉此合就移會為此合咨

貴道煩為查照希卽遵照

督批事宜確核妥議覆司以凭轉詳施行須至咨者

計抄稟一紙

嘉慶十九年十一月初十日准咨

永綏鎮海 稟 督憲示

敬稟者竊照欽奉

諭旨裁汰兵丁一案前 本職署理提篆時曾將綏靖地方

情形謹陳

憲鑒在案茲准永綏廳蔣丞將裁汰該廳標兵一百名議
復前來除將該廳議復原文繕呈

查核外 再四細繹俱屬實在情形洵為審度邊要特籌
治安起見似應照議恭酌以期邊防鞏固惟該丞所議
比照鎮算練勇在屯丁項下籌撥數百名駐扎花園一
節現在屯防經費尚須撙節方敷支度君再另批屯丁
作為練勇其糧鹽一切無款可籌似難辦理伏查經久

章程案載苗疆五廳縣沿邊碉卡所駐勇丁每碉不過
數名該遇匪徒滋事疏虞堪慮查鳳凰廳原挑備戰練
勇一千名訓練日久甚為精銳仍應留備攻戰之用等
因在案是此項練勇原為策應全邊非為專守鳳凰而
設且鳳凰地方情形前署鎮筸鎮篆時巡閱該處自
乾州交界之瀉溪至接連黔省之亭子關計長一百八
十餘里額設兵四千一百餘名星列碁布戡守已自裕
如不必盡恃練勇以為聲勢至綏靖地方沿邊二百餘
里北連川省西界黔邊東南西南皆屬楚苗腹背均須
防禦誠如將臣所議地勢較鳳凰廳更為險要假遇匪
徒滋事本地之兵只敷防守若恃鳳凰之練勇為援則

相距數百里步步皆苗誠恐鞭長莫及且現在練勇鹽糧均由水經解往以供支放灘挽河運更多耗費通屬籌

畫似應將鎮算鎮練勇分撥三四百名駐紮花園文廳負屯備照例訓練則兩汰裁標兵可以漸次改補練勇以免無歸而勾攝苗民公事巡查巔後仍可照依標兵之例以供差遣如斯一轉移間於廳勇辦公固不致掣肘於屯防全局更可稍節靡費而於邊疆大計尤形周密矣緣此案現由南藩司移咨△△會道察看會議案案費司詳

奏係裁汰標兵例由辰沅道主稿除飛札與該道會商外△△為邊防緊要起見合先密呈

鈞聽並札致

南撫部院祈為彙詳到

轉之日採查核辦其鳳乾二廳情勢是否相同應由該
管鎮協道廳會議未便越俎合併彙明為此具稟恭請
福安伏祈

崇鑒

△△

謹稟

嘉慶十九年十月日

詳覆 督憲批綏靖鎮海稟請分撥鎮筵勇一
湖南辰沅道批 為移會確核妥議事嘉慶十九年十
一月二十日蒙

前署藩憲徐 咨開本年十月初二日奉

督部堂馬 批據

綏靖鎮海 稟裁汰永綏廳標兵議撥鳳凰練勇駐札
花園等緣由奉批查鎮筵勇係為鳳凰廳四面環逼
苗巢而設因地制宜已久未便輕議更張仰南布政司
卽再移會辰沅永靖道併案確核妥議覆奪此繳稟抄
發等因奉此合就移會遵照

督憲批示確核妥議覆司以憑轉詳施行計抄稟一紙

等因准此除三廳標兵業經另案詳奉

奏請裁汰毋庸置議外伏查三廳苗情良莠不齊惟

鳳凰廳左右二營黑苗最為強悍桀驁難馴當改土歸

流以來鎮算卽設有鎮道廳營扼要控制乾州永綏各

營定前本係歸鎮算鎮管轄平苗案內始分設鎮協而

綏靖一鎮僅分左右二營兼轄保靖一營營制輕重懸

殊自嘉慶二年勘定以後鳳屬上下五苗仍被花黑等

苗時出焚掠鎮乾大路被其梗塞且擾及辰浦麻澧等

處後路民村亦難安枕經傳臬司在廳任內竭盡心力

百計防維先于後路安扎堡次于邊遠修建碉卡牆

壕一面招募兵勇多方訓練親身帶領不避險阻往來

禦敵血戰數十次稍鋤強梗迨鳳屬遣備漸密復將晒
金塘舊司坪黃土坡等處險惡各寨以次鷗剿匪苗始
不敢出擾至嘉慶十年又將苗巢極深之高都兩頭羊
等匪寨翦除積惡洗淨又收繳鎗械以絕根株全局震
懾咸服方知真心嚮化是以鳳苗剿撫幾及十載沿邊
調卡多至八百餘座守邊屯勇定以四千人鳳屬士民
首倡屯田養勇於本境均出歸公田土又均麻濠民田
以資屯守其餘苗弁苗兵亦皆倍于各廳誠以鎮箠苗
寨既較永乾多至數百而廳志所稱四十八寨苗獠自
來兇悍地勢情形亦非乾永可比歷年以來蒙
前各憲洞察鎮箠苗情吃重為楚邊之咽喉後路之屏